



OYSTER PERPETUAL DATEJUST

ROLEX



MICHELSÉN

ÚRSMÍÐIR SÍÐAN 1909

Laugavegur 15 - 101 Reykjavík
511 1900 - www.sviss.is

MARKAÐURINN

Miðvikudagur 6. nóvember 2013 | 31. tölublað | 9. árgangur

Sími: 512 5000 | [visir](http://www.visir.is) www.visir.is

STAFRÆN
PRENTUN!



Guðjón Ó
VISTVÆNA PRENTSMÍÐJAN



STÍGA VARLEGA TIL JARÐAR ÞRÁTT FYRIR METHAGNAÐ

→ Viðtal við Björgólf Jóhannsson, forstjóra Icelandair Group.

→ Félagið skilaði nýverið sínu besta ársfjórðungsuppgjöri.

→ Áhersla á innri vöxt hefur skilað árangri að mati forstjórans.

SÍÐA 4

Ný dreifingarmiðstöð Eimskips

Tekin hefur verið í notkun ný dreifingarmiðstöð Eimskips Flytjanda á Reyðarfirði. Um er að ræða fyrstu sérhönnuðu vörudreifingarmiðstöðina sem Eimskip byggir utan Reykjavíkur. Húsið er 668 fermetrar og á því þrjár hleðslurampar og tvennar stórar vörudyr. Fram kemur í tilkynningu fyrirtækisins að framkvæmdir við húsið hafi hafist í maí og því hafi framkvæmdatíminn aðeins verið um fimm mánuðir. Landstólpi byggði húsið, en VSÓ ráðgjöf sá um útböð og hafði eftirlit með framkvæmdunum.

- óká

Hagvaxtarspáin færð niður

Framkvæmdastjórn Evrópusambandsins segir komið að viðsnúningi í efnahagslífi Evrópu, en að hagvöxtur í evrulöndunum verði hægari en áður hafi verið spáð. Fréttavefur BBC hefur eftir tilkynningu framkvæmdastjórnarinnar að „vonarglæta“ hafi orðið að „áþreifanlegri jákvæðri þróun“. Á evrusvæðinu, í þeim átján löndum sem nota evruna, er spáð vexti upp á 1,1 prósent á næsta ári.

Í umfjöllun BBC er bent á að þetta sé í annað sinn á þessu ári sem hagvaxtarspáin fyrir evrusvæðið á árinu 2014 sé lækkuð, en í maí var hún færð úr 1,4 prósentum í 1,2 prósent.

Framkvæmdastjórnin spáir því nú að hagvöxtur á evrusvæðinu verði 1,7 prósent 2015. Í Evrópusambandinu í heild er spáð 1,4 prósent vexti á næsta ári og 1,9 prósentum á því þarnaæsta.

- óká

Eiga um 2.600 milljarða króna

Hrein eign íslensku lífeyrissjóðanna nam 2.583 milljörðum króna í lok september. Það er aukning um 41 milljarð króna, eða 1,6 prósentustig, frá mánuðinum á undan.

Frá þessu var greint á vef Seðlabankans í gær í frétt um bráðabirgðatölur lífeyrissjóðanna. Þar segir einnig að innlend verðbréfaeign sjóðanna hafi í mánuðinum numið 1.848 milljörðum króna og aukist um rúma níttján milljarða króna. Erlend verðbréfaeign sjóðanna var 586 milljarðar króna.

- hg

Magnaðir
morgunfundir
Advania




Kynntu þér spennandi dagskrá og skráðu þig
advania.is/fundir



Fróðleiksmolinn

Þróun fiskafla í tonnum og verðmæti frá 2003 til 2012



Samkvæmt tölum sem Hagstofa Íslands gefur út, hefur aflaverðmæti fiskveiða aukist um 137% frá árinu 2003- 2012 en á sama tíma hefur afli í tonnum minnkað um 27%. Árið 2003 var afli úr sjó 1,97 milljón tonna en 1,45 milljón tonna árið 2003. Verðmæti þessa afla var 67 ma.kr. árið 2003 en 159 ma.kr. árið 2013 þrátt fyrir minnkandi afla á tímabilinu.

Dagatal viðskiptalífsins

dagatal viðskiptalífsins

<p>Miðvikudagur 6. nóvember</p> <ul style="list-style-type: none"> → Vöruskipti við útlönd október 2013 – bráðabirgðatölur → Gistinætur og gestakomur á hótélum í september 2013 → Fasteignamarkaðurinn í mánuðinum eftir landshlutum → Útgáfudagur Peningamála og vaxtaákvörðunardagur <p>Föstudagur 8. nóvember</p> <ul style="list-style-type: none"> → Útboð ríkisbréfa <p>Mánudagur 11. nóvember</p> <ul style="list-style-type: none"> → Vodafone - Uppgjör 3. ársfjórðungs 	<p>Þriðjudagur 12. nóvember</p> <ul style="list-style-type: none"> → Fjöldi þinglýstra leigusamninga um íbúðarhúsnæði eftir landshlutum <p>Miðvikudagur 13. nóvember</p> <ul style="list-style-type: none"> → Útboð ríkisvixla <p>Fimmtudagur 14. nóvember</p> <ul style="list-style-type: none"> → Fiskafli í október 2013 <p>Föstudagur 15. nóvember</p> <ul style="list-style-type: none"> → Atvinnuleysi í október 2013 → Fjármál ríkissjóðs á greiðslugrunni og peningalegar eignir og skuldir ríkissjóðs → Birtingaráætlun 2014
---	---

Allar markaðsupplýsingar eru aðgengilegar á vísir

Gengi félaga í Kauphöll Íslands

Aðallisti Kauphallarinnar | Nasdaq OMX Iceland

Félag	Gengi í gær	Frá áramótum	Vikubreyting
Atlantic Airways (DKK)	164,50	36,0%	0,0%
Atlantic Petroleum (DKK)	145,00	-21,2%	-6,5%
Bank Nordic (DKK)	133,00	29,1%	0,0%
Eimskipafélag Íslands	228,00	-0,9%	0,7%
Fjarskipti (Vodafone)	28,00	-14,0%	-2,4%
Hagar	36,90	62,2%	2,1%
Icelandair Group	15,95	94,0%	-2,1%
Marel	125,00	-11,0%	0,0%
Nýherji	3,23	-20,2%	4,9%
Reginn	13,76	25,1%	1,1%
Tryggingamiðstöðin*	30,10	12,7%	-0,8%
Vátryggingafélag Íslands**	11,15	20,9%	0,1%
Össur	216,00	11,3%	1,9%

Úrvalsvisitalan OMXI6 1.166,38 10,1% 0,0%

First North Iceland

Félag	Gengi í gær	Frá áramótum	Vikubreyting
Century Aluminum	1150,00	0,0%	0,0%
Hampiðjan	12,90	37,2%	0,8%
HB Grandi	18,00	20,0%	11,1%
Sláturfélag Suðurlands	1,22	13,0%	0,0%

*fyrsta verð 8. maí 2013 **fyrsta verð 24. apríl 2013

Bakkavör fær skammir

Bakkavör segir verkferla í skoðun í flatbökuværksmiðju í Harrow í Bretlandi þar sem verkalyðsfélag segir vinnulöggjöf Evrópusambandsins brotna.

Í umfjöllun Food Manufacture er haft eftir talsmanni Bakkavörar að fyrirtækið vinni með starfsfólki og fulltrúum verkalyðsfélagsins til þess að tryggja að tilmælum í vinnutímatilskipun ESB verði fylgt.

Verkalyðsfélagið segir dæmi um 647 brot á vinnutímatilskipuninni hjá verksmiðjunni frá júlí-byrjun og fram í septemberlok á þessu ári. Verkafolk á að fá ellefu tíma hvíld á milli vaktar, en dæmi eru sögð um að fólk, sem hafi stimplað sig út, mæti aftur til starfa þremur til fjórum klukkustundum síðar.

Verkalyðsfélagið vill að Bakkavör birti að fullu vinnutíma-skýrslur starfsfólks.

Slegist um fraktrými í vélum til Ameríku

Fulltrúar fyrirtækja sem flytja fersk matvæli til Bandaríkjanna segja framboð á fraktflugum ekki anna eftirspurn. Skýringuna má að sögn starfsmanns Icelandair Cargo rekja til minni innflutnings.

ÚTFLUTNINGUR

Haraldur Guðmundsson | haraldur@frettabladid.is

„Burðargetan úr landi er takmörkuð því í dag fara ekki nema ein til tvær fraktvélar á viku til Bandaríkjanna en það fóru fleiri á árunum fyrir hrún,“ segir Svavar Þór Guðmundsson, framkvæmdastjóri útflutningsfyrirtækisins Sæmarks, sem selur ferskan fisk til Bandaríkjanna.

Svavar segir þessa fækkun í ferðum fraktvéla hafa leitt til þess að útflutningur fyrirtækisins til Bandaríkjanna sé nú minni en hann gæti annars verið.

„Við erum eins og önnur fyrirtæki í þessum geira að berjast fyrir því að koma ferskum fiski til Bandaríkjanna á meðan það er eftirspurn eftir vörinni, og því er þessi takmarkaða burðargeta ekki að hjálpa til,“ segir Svavar.

„Það er slegist um plássinn vestur um haf því sala á fiski hefur aukist töluvert mikið og kjötið er eingöngu á haustin og því þurfa sumir frá að hverfa á vissum árstímum,“ segir Baldvin Jónsson. Hann hefur síðastliðin átta ár haft milligöngu um sölu á íslenskum matvælum til Bandaríkjanna. Þar má nefna vörur eins og skyr, osta og lambakjöt, sem seldar eru í verslunum Whole Foods Market.

Baldvin nefnir sem dæmi að starfsmenn íslensks fyrirtækis hafi farið með tvö hundruð kassa af lambakjöti út á Keflavíkurflugvöll, en sökum plássleysis hafi þeir þurft að fara með hluta sendingarinnar aftur til Reykjavíkur.

„Þá kom flugstjórinn og sagði að það væri mótvindur og að það þyrfti því að draga úr þyngd vélarinnar. Þá þurftu þeir að taka 70 kassa úr vélinni og þá stemmdu útflutningspappírarnir ekki



ÚTRÁS Bandaríska verslanakeðjan Whole Foods Market selur meðal annars íslenskt lambakjöt. MYND/BALDVIN JÓNSSON.

þegar kjötið kom til Bandaríkjanna. Þetta getur því valdið töfum á sendingum og þá fer mikilvægt geymsluþol matvælna til spillis,“ segir Baldvin.

Mikael Tal Grétarsson, forstöðumaður útflutnings hjá Icelandair Cargo, segir það rétt að eftirspurn eftir fraktflugum til Bandaríkjanna geti oft verið meiri en framboðið.

„Á heildina litið hefur okkur hins vegar gengið vel að anna eftirspurn. Hún sveiflast eftir árstíðum og vikudögum og framboðið hjá okkur er mest yfir sumartímum. En við eigum erfiðara með að fljúga jafn oft og áður því innflutningur með flugvélum er ekki eins mikill og fyrir nokkrum árum. Við gætum hugsanlega flogið fleiri ferðir út en þá myndu vélarnar koma tómar til baka og þá myndi kostnaðurinn við innflutninginn lenda á útflytjendum, sem þeir skiljanlega vilja ekki borga,“ segir Mikael.

Nú mánaða uppgjör MP banka sýnir aukinn hagnað milli ára:

Skilaði 590 milljóna hagnaði

Rekstur MP banka skilaði 590 milljóna króna hagnaði eftir skatta á fyrstu níu mánuðum þessa árs. Hagnaður bankans á sama tímabili árið 2012 var 372 milljónir króna.

Bankinn sendi í gær frá sér tilkynningu vegna uppgjörsins og þar segir einnig að vaxta- og þóknunatekjur bankans hafi aukist um 200 milljónir króna milli ára. Bankinn hafði 20,4 milljarða króna í handbæru fé og var lausafjárstaða hans því vel yfir kröfum Fjármálaeftirlitsins og Seðlabankans.

Sigurður Atli Jónsson, forstjóri MP banka, sagði í tilkynningunni að uppgjörinu væri til vitnis um góðan árangur mikilvægustu tekjusviða bankans.

„Bankinn hefur vaxið mikið á þessum tíma og náð árangri, afkoma hefur verið jákvæð og lausafjár- og eiginfjárstaða er góð,“ sagði Sigurður Atli.



HÖFUÐSTÖÐVARNAR Heildareignir MP banka hafa dregist saman frá áramótum og námu 63 milljörðum króna í september. FRÉTTABLAÐIÐ/VALGARÐUR

Hækkar ræstikostnaður um 44% hjá þér 1. desember?



Hafðu samband við okkur í síma 581 4000 eða kíktu á www.solarehf.is og kynntu þér lausnir okkar.

44%

Sólar er einn af stærstu ræstingar- og fasteignaumsjónar aðilum á Íslandi. Síðan 2002 höfum við veitt ótal fyrirtækjum og stofnunum þjónustu okkar.



Sólar ehf. • Kleppsmýrarvegur 8 • 104 Reykjavík
Sími. 581 4000 • www.solarehf.is



FYRIRTÆKJARÁÐGJAFI

Við bjóðum fyrirtækjum sérþekkingu

Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó að við þekkjum kannski ekki viðfangsefnin í þínu starfi jafn vel og þú, þá vitum við út á hvað starfið gengur.

Hjá Íslandsbanka starfar hópur fólks sem býr að áratuga reynslu af ráðgjöf fyrir stór og smá fyrirtæki í smásölu og hefur viðtæka sérþekkingu á fjárhagsumhverfi þeirra. Þannig getum við ávallt tryggt smásölufyrirtækjum þá bankaþjónustu sem þau þarfnast.

Þekking sprettur af áhuga.

Rúnar Björgvinsson hefur 25 ára reynslu af ráðgjöf til fyrirtækja í smásölu. Rúnar er útibússtjóri hjá Íslandsbanka.

Við bjóðum
góða þjónustu

islandsbanki.is | Sími 440 4000


Íslandsbanki

Áhersla á innri vöxt skilar árangri

Rekstur Icelandair Group á þriðja fjórðungi ársins skilaði hagnaði upp á um átta milljarða íslenskra króna. Björgólfur Jóhannsson, forstjóri félagsins, býst við áframhaldandi vexti. Hann segir Icelandair ætla að fjölga ferðum, bæta flugvélum við flotann og fara í framkvæmdir vegna nýrrar byggingar fyrirtækisins í Hafnarfirði.

VIÐTAL

Haraldur Guðmundsson | haraldur@frettabladid.is

Icelandair Group skilaði besta árs-fjórðungsuppgjöri í sögu félagsins á þriðja fjórðungi þessa árs. Hagnaður félagsins var þá 65,3 milljónir dala, eða um 7,8 milljarðar íslenskra króna.

Björgólfur Jóhannsson, forstjóri Icelandair Group, segir áherslu félagsins á innri vöxt eiga stóran þátt í góðri afkomu þess.

„Við höfum ekki keypt nein önnur félög á undanförunum árum heldur lagt áherslu á innri vöxt. Því erum við afskaplega sátt við þessa niðurstöðu hvað reksturinn varðar en það er í sjálfu sér ekkert gefið til lengri tíma litið. Ég hef sagt að við þurfum að stíga varlega til jarðar og það verður ekki gert með því að hleypra rekstrar-kostnaði upp í loft,“ segir Björgólfur og útskýrir að félagið þurfi að fara varlega þegar kemur að rekstrarþáttum eins og launahækkunum.

Ferðum fjölgi um átján prósent

Þessi innri vöxtur, sem Björgólfur talar um, tengist að miklu leyti flugáætlun Icelandair sem er stærsta fyrirtækið innan Icelandair Group.

Icelandair tilkynnti nýverið að flugáætlun fyrirtækisins fyrir næsta ár verði sú umfangsmesta í sögu þess og að ferðum muni fjölga um átján prósent milli árána 2013 og 2014. Fyrirtækið hefur í hyggju að bæta þremur nýjum áfangastöðum við áætlunina og fjölga ferðum til ýmissa borga.

„Við höfum bætt við nýjum leiðum bæði til Bandaríkjanna og Evrópu og fjölgað ferðum á marga aðra áfangastaði. Þessi áhersla á innri vöxt tengist einnig verkefnum sem fyrirtæki okkar hafa staðið að í innlendri ferðaþjónustu. Þar er bæði um að ræða hótelin okkar og ferðaskipuleggjendur eins og Iceland Travel.“

Björgólfur segir að hann búist við áframhaldandi vexti Icelandair og nefnir þar sérstaklega aukin tækifæri í ferðum yfir Norður-Atlantshaf.

„Þar er reyndar mjög harður samkeppnismarkaður þar sem við erum að keppa við mjög stóra aðila. En við höfum einbeitt okkur sérstaklega að þessum ferðum á milli Evrópu og Ameríku og séð tækifæri í því að viðskiptavinir okkar sem fara yfir Norður-Atlantshaf, og þurfa að millilenda á ferðum sínum, geti ferðast á milli staða á skemmri tíma vegna þess hversu stuttan tíma millilendingin í Keflavík tekur.“

Nýjar vélar afhentar 2018

Stjórnendur Icelandair munu að sögn Björgólfs fjölga farþegavélum fyrirtækisins á næsta ári með kaupum á notuðum vélum. Þá verður fyrirtækið búið að bæta tíu farþegavélum við flota sinn frá árinu 2008.

Icelandair Group og bandaríski flugvélaframleiðandinn Boeing undirrituðu að auki viljayfirlýsingu í desember á síðasta ári um kaup á sextán Boeing 737 MAX-flugvélum. Heildarverðmæti vélanna er samkvæmt listaverði Boeing um 1,6 milljarðar Bandaríkjadala, eða um 195 milljarðar íslenskra króna. Fyrstu vélarnar verða afhentar árið 2018.

Spurður hvort nýju vélarnar komi ekki of seint í ljósi aukinna umsvifa Icelandair segir Björgólfur að það sé alltaf hægt að velja þeirri spurningu upp hvort vélarnar hefðu átt að koma fyrr.

„Niðurstaðan er hins vegar þessi og það fellur vel að stefnu okkar að gera þetta svona. Við sjáum góð tækifæri með þessum vélum. Þær búa yfir



Í BRÚNNI Björgólfur Jóhannsson, forstjóri Icelandair Group, segir mikilvægt að stöðugleiki ríki í almennu rekstrarumhverfi fyrirtækja og uppbyggingu ferðaþjónustu hér á landi.

FRÉTTABLAÐIÐ/VILHELM.

nýjustu tækni og aukinni hagkvæmni þegar kemur að eldsneytiseyðslu. En ég hef einnig bent á að eldri vélarnar okkar séu mjög góðar fyrir leiðakerfið enda eru þær langdræggar og drífa þangað sem nýju vélarnar ná ekki,“ segir Björgólfur.

Þjálfunarsetur í Hafnarfirði

Fjárfestingar í tengslum við aukin umsvif Icelandair ná ekki einungis til kaupa á nýjum flugvélum því fyrirtækið sótti í september síðastliðnum um sextán þúsund fermetra lóð í Selhrauni í Vallahverfi í Hafnarfirði.

Í umsókn Icelandair kemur fram að fyrirtækið vilji reisa þar byggingu undir skrifstofur, kennslusetur og flugherma. Fyrirtækið hafði nokkrum vikum áður undirritað samning við bandaríska fyrirtækið Opinicus um rekstur flughermis fyrir Boeing 757-þotur á Íslandi.

„Við erum búin að skoða það mjög lengi að koma upp þjálfunaraðstöðu hvað varðar flugtengda starfsemi samstæðunnar, sem í þessu tilviki lýtur að þjálfun flugmanna, flugfreyja og flugþjóna. Þessi tiltekni staður var valinn því að við sáum að meirihluti áhafnar okkar er búsettur á höfuðborgarsvæðinu og Hafnarfjörður er auðvitað einnig í ákveðinni nálægð við Keflavík. Staðsetningin er því góð frá rekstrarsjónarmiði.“

Stöðugleikinn mikilvægur

Björgólfur undirstrikar hversu mikilvægt það sé að hans mati að hér ríki stöðugleiki þegar kemur að almennu rekstrarumhverfi fyrirtækja og uppbyggingu innlendrar ferðaþjónustu.

„Við erum auðvitað íslenskt félag þó við séum fyrst og síðast að sækja tekjur út fyrir landsteinana. Efnahagsumhverfið á Íslandi hefur því áhrif á framtíð okkar og framtíð ferðaþjónustunnar. Það er mjög óþægilegt fyrir félag eins og okkar að vinna í umhverfi gjaldeyrishafta og við höfum lagt áherslu á að það þurfi að breytast,“ segir hann.

„Varðandi innlendu ferðaþjónustuna hef ég sagt að við þurfum að koma upp einhvers konar gjaldtöku

Við erum auðvitað íslenskt félag þó við séum fyrst og síðast að sækja tekjur út fyrir landsteinana.

sem á að dekkja þá uppbyggingu sem við sjáum að þarf að eiga sér stað á ákveðnum stöðum. Ég hef lagt áherslu á að þau áform sem Ragnheiður Elín Árnadóttir, iðnaðar- og viðskiptaráðherra, hefur kynnt um svokallaðan náttúrupassa, sem á að afla fjárs til uppbyggingar ferðamannastaða, séu eitthvað sem þurfi að komast í framkvæmd sem fyrst. Það væri hins vegar bara einn þáttur í þeirri vinnu sem þyrfti að fara í varðandi stefnumörkun í ferðaþjónustu á landinu.“

Björgólfur segir að hann sé að hluta

til hlyntur þeirri hugmynd að erlendir ferðamenn greiði hærra gjald í tengslum við verkefni eins og náttúrupassann.

„Ég held að þessi aðferðafræði geti alveg átt rétt á sér. Það kunna að vera rök fyrir því að Íslendingar geti keypt þennan passa í gegnum skattkerfið eða á einhvern annan hátt og að hann gildi þá til lengri tíma og fáist keyptur á lægra verði. Ég held að það verði aldrei sátt um það að Íslendingar, sem ferðast um sitt land, geti ekki verið með annað verðlag á þeim passa,“ segir Björgólfur.

HÖFÐA TIL NÝS MARKHÓPS MED NEWARK

Icelandair hefur síðustu misseri lagt nokkra áherslu á flug til Norður-Ameríku og bætt þar við sig áfangastöðum jafnt og þétt. Í síðastliðinni viku bættist enn einn við þegar hafið var flug til Newark-flugvallar í New Jersey og á næsta ári bætast við Vancouver og Edmonton, en með því verða áfangastaðirnir í álfunni orðnir þrettán talsins.

Birkir Hólm Guðnason, framkvæmdastjóri Icelandair, segir markmiðið með þessari fjölgun vera að breikka og dýpka leiðarkerfið.

„Við sjáum tækifæri á þessum markaði milli Ameríku og Evrópu, sérstaklega á hinum svokölluðu „secondary markets“, utan stóru miðstöðvanna, til að flytja farþega yfir hafið. Til dæmis er aðeins eitt flugfélag að fljúga milli



ALMERKTUR ICELANDAIR Þessi lestarvagn er einn fimmtán vagna sem merktir eru Icelandair að innan.

MYND/ICELANDAIR

Edmonton og Evrópu.“ Samfara uppganginum rekur Icelandair virka markaðsherferð vestra. Til að mynda eru fimmtán lestarvagnar í New York og New Jersey nú í umferð, kyrfilega merktir Icelandair.

„Við erum að reyna

að ná í nýjan markhóp með flugi til og frá Newark, þar sem við erum að bjóða upp á flug sem er nær fólki en JFK.“

Birkir segir að kynningarstarfið sé byggt á fyrri herferðum og hafi þegar vakið mikla athygli.



BIRKIR HÓLM GUÐNASON

Ný vara



Spjaldtölvustandur

- Heldur spjaldtölvunni í rétttri stöðu
- Fjölmargin stillimöguleikar
- Minnkar álag á háls, herðum og hrygg við lestur
- Hámarkshæð: 135 cm og Hámarkslengd: 38 cm

Bjóðum einnig bókahaldara á standinn

Vinsælustu standarnir í Bandaríkjunum

Verð 29.750 kr.



Spjaldtölvuarmur – **Verð 19.750 kr.**

HEILSUEFLING OG AUKIN LÍFSGÆÐI



Eirberg

Eirberg ehf. er innflutnings- og þjónustufyrirtæki sem hefur á að skipa fagmenntuðu starfsfólki. Markmið okkar eru að efla heilsu og auka lífsgæði, auðvelða störf og daglegt líf, stuðla að hagræði og vinnuvernd.

SitFit Loftsessa

- Bætir setstöðu
- Styrkir bakvöðva
- Léttir álagi af hryggnum

Verð: 5.980 kr.



Swopper vinnustóllinn

- Fylgir hreyfingum líkamans
- Styrkir bak og kviðvöðva
- Margviðurkenndur stóll

Hentar sérstaklega vel fólki með bakvandamál

Verð: 118.700 kr.



Muvman fyrir breytilega hæð

- Betri vinnuaðstaða
- Sveigjanleiki
- Dýpri öndun
- Aukin afköst
- Einstakur stóll

Í eldhúsið og við vinnuborðið

Verð 78.500 kr.



Fjörutíu prósent stærri en 2003

Lagabreytingar í umhverfi hlutafélaga síðasta áratug endurspeglast í nýrri útgáfu Hlutafélagaréttar Stefáns Mássonar lagaprófessors. Tekið er til aukinnar minnihlutaverndar, meira gagnsæis og reglna um kynjahlutföll. Þá er rakin refsiaþbyrgð og í glænýjum hluta bókarinnar fjallað um fjármálafyrirtæki og hlutabréfamarkaði.

VIÐSKIPTARIT

Óli Kristján Ármannsson | olikr@frettabladid.is

Nýtkominn Hlutafélagaréttur Stefáns Mássonar lagaprófessors í endurskoðaðri útgáfu er um 40 prósentum víðameira rit en við síðustu endurskoðun árið 2003. Stefán segir nú horft til margvíslegra breytinga sem gerðar hafi verið á lögum, sér í lagi eftir hrun, auk þess sem bætt hefur verið við sérstökum kafla um fjármálafyrirtæki og verðbréfamarkaði. „Þessi stækkun er nokkuð rosaleg miðað við það sem var fyrir tíu árum síðan,“ segir Stefán Már.

Breytingarnar á lagaumhverfinu séu talsverðar frá 2003, ekki síst aukin minnihlutavernd í félögum og reglur til þess að tryggja ákveðið gagnsæi. „Það verður að liggja fyrir hverjir séu eigendur hlutafélaga og hægt að rekja sig frá dótturfélögum til móðurfélaga,“ bætir hann við. Þetta skipti til dæmis máli þegar komi að bótaþbyrgð. Síðan hafi líka orðið ýmsar breytingar aðrar, svo sem breyttar reglur um kynjahlutföll í stjórnnum félaga.

STÚDENTUM MÁ ALLT BJÓÐA

Bókina segir Stefán Már hins vegar fyrst og fremst vera uppléttirit, auk þess að hún sé notuð í kennslu. „Þetta er mikið notað í lögfræðipraxis og hjá dómstólum. Það er aðalmarkaðurinn,“ segir hann. „Náttúrulega

eru það svo fyrst og fremst stúdentar sem verða að lesa þetta frá síðu til síðu. Það er hægt að bjóða þeim allt,“ segir hann og hlær við.

Í bókinni segir Stefán Már farið yfir öll atriði hlutafélaga- og einkahlutafélagaréttar sem máli skipti, en bókinni er skipt upp í kafla þar sem farið er yfir hvert svið fyrir sig. „Til dæmis er gríðarlega mikilvægur kaflinn um breytingu á hlutafé, eiginhluti og sjóði. Fyrir kemur að menn læðist í sjóði og borgi sér en það er náttúrulega harðbannað.“ Stefán segir ekki alla gera sér grein fyrir því að hlutafé, sem einu sinni hafi verið lagt inn í félag, megi ekki taka út aftur. „Og það jafnvel þótt þú eigir félagið að fullu. En freistingin er náttúrulega mikil.“ Leiðin til að greiða sér fé út úr hlutafélagi sé með arðgreiðslum, en þá þurfi líka að fara að tilsettum reglum í þeim efnum. Sömuleiðis megi í þessum hluta lesa sér til um hverjir megi taka lán hjá hlutafélagi, en það mega almennir hluthafar, stjórnarmenn, framkvæmdastjóri og tilteknir tengdir aðilar alla jafna ekki gera.

Þá hefur kaflinn um skaðabætur og bótaþbyrgð samkvæmt reglum um skuggastjórnun verið endurritaður frá grunni. „Við reynum að fara ofan í þetta á grundvelli dóma.“ Kaflinn segir Stefán Már hins vegar að sé gríðarlega áhugaverður því lagt sé upp með þá grundvallarhugmynd að skaðabótaþbyrgð sé engin, hlutafélagið standi sjálfstætt.



Í LÖGBERGI Stefán Már Stefánsson hefur kennt og stundað rannsóknir við Háskóla Íslands frá því hann var þar skipaður prófessor við lagadeild árið 1979. Ný bók hans, „Hlutafélagaréttur“, tekur til verulegra breytinga sem orðið hafa á hlutafélagalögjöfnum á síðustu árum.

FRÉTTABLAÐIÐ/PIJETUR

SKATTURINN ER STÍFARI

„En svo koma til allar þessar undantekningar þegar menn sýna af sér vanrækslu eða mögulega lögbrot. Þá getur skaðabótaþbyrgð stofnast.“ Eins sé mikilvægt að rekja raunþbyrgð og hver stýri félagi í raun, svo sem í tilvikum móður- og dótturfélaga. „Ef tekst að sanna skuggastjórnun þá getur það leitt til bótaþbyrgðar. Þú tekur þann sem raunverulega stjórnar.“

Bókin tekur líka í meiri mæli en áður til skattamála. „Það er áhugavert hvernig menn hafa meðhöndlað skatta í tengslum

við samruna félaga og sumt af því á gráu svæði.“ Þannig séu skattareglur um samruna mun stífari en félagaréttur.

Þá er í bókinni nýr kafla um samstæður og móður- og dótturfélög, en að síðustu er svo fjallað um fjármálafyrirtæki og verðbréfamarkaði. „Þetta efni er gríðarlega stórt í sjálfu sér þótt það sé kannski dálítið til hliðar við sjálfan hlutafélagaréttinn og tengist honum mjög sterkum böndum.“ Kaflinn gagnist því vel þeim sem vilji kynna sér á fljótlegan máta þessi fræði.

Skaut sitt fyrsta hreindýr í haust

Margrét Guðmundsdóttir, forstjóri Icepharma, er menntaður viðskiptafræðingur og hefur alltaf verið heilluð af þeim geira. Hún hefur mikla starfsreynslu innan olíubransans en hennar aðaláhugamál er skógrækt.

SVIPMYND

Samúel Karl Ólason | samuel@frettabladid.is

Margrét Guðmundsdóttir hefur verið forstjóri Icepharma í átta ár og er stjórnarformaður N1. Fyrirtækið Icepharma flytur inn lyf og vörur fyrir heilbrigðiskerfið. „Við erum einnig umboðsaðili Nike á Íslandi og við teljum okkur vera lýðheilsufyrirtæki,“ segir Margrét.

Hún er viðskiptafræðingur og er gift Lúðvíg Lárussyni sálfræðingi og saman eiga þau tvö börn; eina dóttur, sem einnig er viðskiptafræðingur og son, sem er verkfræðingur og býr í Kaupmannahöfn. Hún á einnig eitt lítið barnabarn. Í fjölskyldu hennar eru margir viðskiptafræðimenn aðrir. „Dóttir mín er viðskiptafræðingur og bæði tengdabörnin eru viðskiptafræðingar. Sonurinn er verkfræðingur svo það bætir þetta aðeins. Eiginmaðurinn er svo sálfræðingur og hann hjálpar okkur öllum í gegnum þetta,“ segir Margrét hlæjandi. Spurð hvort viðskiptafræðin hafi alltaf heillað segir hún: „Faðir minn rak fyrirtæki. Ég fór í Versló og svo beint þaðan í viðskiptafræðina hérna heima. Það var aldrei nein spurning hjá mér og mér fannst alveg ótrúlega heillandi að vera innan þessa geira.“

Stærsta áhugamál Margrétar er skógrækt. „Ég er skógarbóndi og rækta skóg vestur á Snæfellsnesi. Nánar tiltekið á Skógar-



STYRIR ICEPHARMA Margrét Guðmundsdóttir segir að viðskiptafræðin hafi alltaf hafa heillað hana.

FRÉTTABLAÐIÐ/VILHELM

strönd. Þetta er stór jörð og þar er fjölskyldan í þessari ræktun.“ Hún braut svo blað í eigin sögu og fór á hreindýraveiðar í haust. „Þannig að ég er búin að ná mínu fyrsta hreindýri og það fannst mér mikið afrek.“

Margrét hefur mikla reynslu af olíubransanum og vann í honum í fimmtán ár. „Ég var búin að vinna í olíubransanum í fimmtán ár eftir að ég tók mastersgráðuna í Kaup-

mannahöfn. Ég var framkvæmdastjóri hjá Q8 í Kaupmannahöfn í níu ár og var síðan framkvæmdastjóri hjá Skeljungu í níu ár. Það skýrir hvers vegna ég er stjórnarformaður N1. Ég ætlaði aldrei að fara inn á þessa braut, en þetta er búin að vera ótrúlega spennandi og það er mjög gaman að koma til baka sem stjórnarformaður N1,“ segir Margrét.

Margrét hefur tekið þátt í sam-

ráðsvettvangi fyrir framtíð Íslands, sem upp kom í kjölfar McKinsey-skýrslunnar um íslenskt atvinnulíf og hvað þyrfti að gera til að auka samkeppnishæfi Íslands. Hún var formaður Félags atvinnurekenda í fjögur ár og er búin að vera forseti Evrópusamtaka dreifingarfyrirtækja hjúkrunarvæðing og tækja í tvö ár og er enn í stjórn þeirra samtaka.

TRAUST OG GÓÐ



ALMAR GUÐMUNDSSON, framkvæmdastjóri Félags atvinnurekenda

vill fara. Hún treystir samstarfsfólki sínu vel og leggur mikið upp úr sjálfstæði og frumkvæði.“



HANNA KATRÍN FRÍÐRIKSSON framkvæmdastjóri Icepharma

„Margrét er farsæll stjórnandi. Hún býr yfir mikilli færni í mannlegum samskiptum og leggur áherslu á að láta samstarfsfólk sitt njóta sín. Hún er óhrædd við breytingar og leggur mikla áherslu á að setja stefnuna og hvetja fólk til dáða. Ef ég ætti að lýsa Margrét með bara einu orði, myndi ég segja að hún væri skemmtileg. Utan viðskiptalífsins á Margrét sér skemmtilega hressandi áhugamál sem lýsa karakternum vel. Hún er skógræktarbóndi og býflugnaræktandi og veiddi fyrsta hreindýrið sitt í haust. Ég þori ekki að veðja á hvað kemur næst, mögulega munstar hún sig á hvalveiðibát fyrir næsta tímabil.“

FRÁBÆRT VERÐ Á 39"

FINLUX



Finlux 39FLHY189BV

89.990

FRÁBÆRT VERÐ

Vandað 39" LED Full HD sjónvarp með 1920x1080 háskerpu upplausn og stafrænum DVB-T2 móttakara.

Háskerpu upplausn

Tækið er með vönduðum örþunnum LCD skjá með 1920x1080 punkta háskerpu upplausn og Comb filter, Digital noise reduction og Progressive scan sem tryggir skarpa og góða mynd.

Innbyggður margmiðlunarspilari

Tækið er búið margmiðlunarviðmóti og tveim USB tengjum, þannig að hægt er að tengja USB lykil eða flakkara við tækið og horfa á ljósmyndir og kvikmyndir. Styður öll helstu snið, t.d. DivX, MKV, MP3 og JPG.

CI kortarauf

Tækið er með CI kortararauf sem gerir fólki sem er með stafrænan loftnetsmóttakara frá Vodafone kleift að skila inn gamla móttakaranum og fá CAM (CA) millistykki í staðinn sem svo gengur inn í tækið. Fækkar snúrum og fjarstýringum.

Vel tengjum búið

Tækið er með öllum helstu tengimöguleikum sem þarf í dag, 2xHDMI, Scart, VGA, Audio In, Heyrnartólstengi og USB tengi þannig að ekkert mál er að tengja leikjatölvur, heimabíó, heyrnartól og margt fleira við tækið.

HDMI
HIGH-DEFINITION MULTIMEDIA INTERFACE

USB

DVB T2

FULL HD
1080p

Sjónvarpsmiðstöðin

FINLUX

RAFTÆKJAVERSLUN • SÍÐUMÚLA 2 • SÍMI 568 9090 • WWW.SM.IS



VALA
VALTÝSDÓTTIR

Hin hliðin

Skattlagning skulda gjaldþrota aðila

Nú nýverið var lagt fram fyrsta fjárlagafrumvarp núverandi ríkisstjórnar ásamt lagafrumvörpum til breytingar. Tillögur um skattalagabreytingar eru fáar fyrir utan eina breytingu er varðar álagningu svokallaðs „bankaskatts“ (lög nr. 155/2010, um sérstakan skatt á fjármálafyrirtæki – lagður á heildarskuldir fjármálafyrirtækja).

Í fyrsta lagi hækkar skattprósenta úr 0,041% í 0,145%. Í öðru lagi verða fjármálafyrirtæki í slitameðferð (föllnu bankarnir) skattskyld og í þriðja lagi munu skattkröfur á grundvelli laganna njóta forgangs við gjaldþrotaskipti. Breytingunni er ætlað að auka tekjur ríkissjóðs um 14,3 milljarða króna en föllnu bankarnir munu bera 11,3 milljarða króna af þeirri fjárhæð.

Þær fyrirætlanir, að leggja umræddan skatt á föllnu bankana, eru sérkennilegar, að minnsta kosti ef lítið er til annars tveggja markmiða upphaflegu laganna, en það er að draga úr áhættusækni fjármálafyrirtækja og kerfisáhættu sem fylgir fjármálafyrirtækjum. Ekki verður séð að starfsemi föllnu bankanna sé áhættusækin. Starfsemin, ef starfsemi skyldi kalla, felst í því að fá sem mest úr eignum föllnu bankanna til að geta greitt kröfuhöfum sem mest upp í þeirra kröfur. Í öllum tilvikum hafa þessir föllnu bankar annaðhvort ekki lengur starfsleyfi eða þá takmarkað starfsleyfi sem fjármálafyrirtæki. Þá er samkvæmt frumvarpinu í raun einungis um að ræða þrjá aðila sem breytingin varðar.

Óhæft andlag skattlagningar

Skattstofninn eru heildarskuldir í lok tekjuárs en í tilviki föllnu bankanna verður skattstofninn óljós, þar sem ekki er útséð hvernig fara beri með umdeildar kröfur á þessi fjármálafyrirtæki. Til viðbótar er þegar ljóst að eignir föllnu bankanna duga einungis fyrir hluta af heildarskuldum þeirra. Þannig verður ekki betur séð en skattandlagið sé ekki til staðar nema að hluta til. Einnig er óljóst hvort föllnu bankarnir geti í raun talist vera fjármálafyrirtæki.

Í bráðabirgðaákvæði er einnig lagt til að skattkrafan njóti stöðu forgangskröfu við gjaldþrotaskipti. Þetta er einnig sérstakt þar sem í öllum öðrum tilvikum njóta skattkröfur ekki betri stöðu við gjaldþrotaskipti en almennar kröfur.

Réttlætning skattsins

Undanfarin misseri hefur mörgum verið tíðrætt um hvernig eigi að ná peningum af þessum vogunarsjóðum sem keypt hafa kröfur á hina föllnu banka. Þessi málflytningur hefur farið vel í almenning enda vogunarsjóðir einhverjir græðgispúkar í útlöndum og allt í lagi að skattleggja þá og „fá eitthvað út úr þeim“.

Það er mitt mat að það kunni ekki góðri lukku að stýra þegar skattlagning beinist að örfáum aðilum, skattstofninn er óljós og farnar eru aðrar leiðir um forgang skattkröfu en ella. Hér má ekki heldur gleyma því að slík lagasetning gæti brotið í bága við stjórnarskrá og því rétt að fara varlega.

Loksins færðu stuðning
í vinnunni

Knoll

CHADWICK STÓLLINN
SAMEINAR FALLEG FORM
OG HÁMARKSPÆGINDI.

Harpa / Skeifan 6 / Keflavíkurvöllur / 5687733 / epal@epal.is / epal.is



Tilboðsverð:

138.800kr*

Fullt verð: 198.500kr



* til afgreiðslu í viku 49

HÖNNUÐUR: DON CHADWICK

Ábendingahnappinn má
finna á www.barnaheill.is



S A F T

